

Pertandingan
KUIZ
KENEGARAAN
PERINGKAT KEBANGSAAN 1995

DI DEWAN BANDARAN IPOH,
IPOH, PERAK.
PADA 12-15 NOVEMBER 1995

APB 739737

NASKHAD PEVELIHARAAN
PERPUSTAKAAN NEGARA MALAYSIA

29 FEB 1996

ISBN 983-54-0018-0

Diterbitkan oleh Jabatan Perkhidmatan Penerangan Malaysia, Kementerian Penerangan,
Abas bin Salleh, K.M.N., Ketua Pengarah Perkhidmatan Penerangan Malaysia.
B 29 (B.M.) November 1995 (001.). Dicitak oleh Harian (Zulfadzli) Sdn. Bhd.

Sekapur Sirih

SALAH SATU MATLAMAT yang ingin dicapai melalui Wawasan 2020 ialah masyarakat yang saintifik, progresif, maju, mempunyai tahap pengetahuan yang tinggi, kecekapan dan kemahiran di dalam pelbagai bidang. Dalam hal ini, satu perkara yang harus ditekankan untuk melahirkan masyarakat yang progresif dan saintifik ialah masyarakat yang berilmu. Tanpa dilengkapi ilmu pengetahuan yang cukup kepada anggota masyarakat, tidak mungkin masyarakat itu akan sampai ke tahap yang tinggi, cemerlang dan berjaya menjadi masyarakat yang benar-benar maju.

Oleh yang demikian kita sebagai satu bangsa, haruslah meningkatkan daya intelektual dengan sebaik-baiknya. Menuntut ilmu adalah satu proses seumur hidup yang berterusan. Dalam menuju hasrat untuk merealisasikan Wawasan 2020 dan seterusnya mewujudkan satu masyarakat yang progresif dan saintifik, Jabatan Perkhidmatan Penerangan Malaysia telah menjadikan Kuiz Kenegaraan sebagai salah satu aktiviti tahunan. Di samping meningkatkan pengetahuan dan kefahaman di kalangan rakyat mengenai dasar-dasar kerajaan, isu-isu semasa negara, Kuiz Kenegaraan juga dapat mendedahkan masyarakat kepada bahan-bahan yang disediakan oleh Jabatan Perkhidmatan Penerangan Malaysia.

Sejak dilaksanakan, pertandingan ini terus mendapat sambutan yang amat menggalakkan terutama di peringkat negeri. Peserta-pesertanya pula terdiri daripada



pelbagai golongan iaitu pelajar, guru hinggalah golongan profesional. Pada tahun ini Pertandingan Kuiz Kenegaraan telah diadakan bersempena dengan sambutan Ulangtahun Ke-50 penubuhan Jabatan Perkhidmatan Penerangan Malaysia dengan tema sambutan "50 Tahun Penuh Iltizam, Penerangan Berkesan Pengerak Wawasan".

Piala yang menjadi rebutan kepada setiap pasukan ialah Piala Pusingan Setia Bistari. Di samping Piala Pusingan itu, hadiah iringan dan sijil penyertaan juga akan diberikan sebagai tanda ingatan kepada para pemenang.



Kata-kata Aluan Menteri Besar Perak



SAYA mengambil kesempatan merakamkan setinggi-tinggi penghargaan dan terima kasih kepada Jabatan Perkhidmatan Penerangan Malaysia dan seluruh anggotanya yang telah memberikan penghormatan kepada Negeri Perak Darul Ridzuan menjadi tuan rumah kepada Pertandingan Kuiz Kenegaraan Peringkat Kebangsaan 1995, di Ipoh pada tahun ini.

Saya mengucapkan "Selamat Datang" kepada semua peserta, penyokong pasukan dan rombongan Lawatan Sambil Belajar ke Negeri Perak Darul Ridzuan. Ambillah peluang dan kesempatan ini untuk mengenali Negeri Perak secara lebih dekat lagi dengan melawat ke tempat-tempat bersejarah, pelancongan, di samping mengenali kebudayaan dan adat resam masyarakat Perak.

Setinggi-tinggi ucapan tahniah dan syabas kepada Jabatan Perkhidmatan Penerangan yang telah menyambut Ulangtahun ke-50 pada tahun ini. Saya percaya dan yakin, banyak lagi khidmat bakti yang akan dicurahkan oleh Jabatan Perkhidmatan Penerangan sejajar dengan tema sambutan "50 Tahun Penuh Iltizam, Penerangan Berkesan Penggerak Wawasan".

Selamat Bertanding dan Selamat Maju Jaya.

TAN SRI DATO' SERI RAMLI BIN NGAH TALIB,
P.S.M., S.P.C.M., A.M.N., J.P.



Kata-kata Aluan Pengerusi Jawatankuasa Induk Pertandingan Kuiz Peringkat Kebangsaan 1995



SAYA amat berbesar hati dan berasa bangga kerana kita dapat menganjurkan Pertandingan Kuiz Kenegaraan Peringkat Kebangsaan 1995 dan saya mengucapkan terima kasih kerana Negeri Perak menjadi tuan rumah pada tahun ini.

Bagi pihak Jawatankuasa Induk Pertandingan Kuiz Kenegaraan Peringkat Kebangsaan 1995 saya ingin merakamkan setinggi-tinggi penghargaan dan terima kasih kepada Yang Amat Berhormat Tan Sri Dato' Seri Ramli bin Ngah Talib, Menteri Besar Perak, kerana sudi melakukan Majlis Perasmian dan seterusnya menyampaikan hadiah Pertandingan Kuiz Kenegaraan Peringkat Kebangsaan 1995.

Pertandingan Kuiz Kenegaraan mula dilaksanakan oleh Jabatan sejak tiga tahun yang lalu dan telah menjadi kegiatan tahunan Jabatan ini. Pertandingan ini telah mendapat sambutan yang amat baik di kalangan rakyat khususnya di kalangan belia. Ini terbukti dengan penyertaan berbagai

lapisan masyarakat yang bermula dari peringkat daerah.

Kejayaan kegiatan ini dapat mempercepatkan lagi proses pencapaian matlamat dan objektif Jabatan iaitu menjadikan masyarakat di negara ini masyarakat yang bermaklumat. Kuiz Kenegaraan adalah salah satu daripada pelbagai kaedah dan pendekatan komunikasi bersemuka yang digunakan oleh Jabatan Perkhidmatan Penerangan dalam usaha menerangkan dasar-dasar kerajaan kepada segenap lapisan rakyat di negara ini.

Selaku Pengerusi Jawatankuasa Induk Pertandingan Kuiz Kenegaraan Peringkat Kebangsaan 1995, saya ingin merakamkan ucapan terima kasih kepada semua pihak yang terlibat dalam menjayakan pertandingan ini.

YU AM PING

Objektif Pertandingan

- ❖ Menanam semangat cintakan negara dan bangga menjadi rakyat Malaysia.
- ❖ Meningkatkan pengetahuan dan kefahaman di kalangan rakyat mengenai dasar-dasar kerajaan, isu-isu semasa negara, sejarah perjuangan dan pembangunan negara.
- ❖ Meningkatkan imej dan kewibawaan kerajaan di kalangan orang ramai.
- ❖ Mendedahkan masyarakat kepada bahan-bahan yang sedia ada di Jabatan Perkhidmatan Penerangan Malaysia.
- ❖ Meningkatkan lagi kegemaran membaca dan mencari maklumat di kalangan masyarakat.